

固安縣志卷之八

藝文志下

女史箴

張華

茫茫造化二儀既分散氣流形既陶既甄在帝庖羲肇經
天人爰始夫婦以及君臣家道以正王猷有倫婦德尙柔
含章貞吉婉孌淑慎正位居室施衿結褵虔恭中饋肅慎
爾儀式瞻清懿樊姬感莊不食鮮禽衛女矯桓耳忘和音
志厲義高而二主易心元熊攀檻馮媛趨進夫豈無畏知
死不恡班妾有辭割驩同輦夫豈不懷防微慮遠道罔隆
而不殺物無盛而不衰日中則昃月滿則微崇猶塵積替

若駭機人咸知飾其容而莫知飾其性性之不飾或愆禮
正斧之藻之克念作聖出其言善千里應之苟違斯義則
同衾以疑夫出言如微而榮辱由茲勿謂幽昧靈監無象
勿謂元漠神聽無響無矜爾榮天道惡盈無恃爾貴隆隆
者墜鑒于小星戒彼攸遂比心螽斯則繁爾類驩不可以
黷寵不可以專專實生慢愛極則遷致盈必損理有固然
美者自美翩以取尤冶容求好君子所讐結恩而絕職此
之由故曰翼翼矜矜福所以興靖共自思榮顯所期女史
司箴敢告庶姬

勵志詩

太儀幹運天迴地游四氣鱗次寒暑環周星火旣夕忽焉
素秋涼風振落熠燿宵流吉士思秋實感物化日與月與
荏苒代謝逝者如斯曾無日夜嗟爾庶士胡甯自舍仁道
不遐德輶如羽求焉斯至衆鮮克舉大猷元漠將抽厥緒
先民有作貽我高矩雖有淑姿放心縱逸田般于游居多
暇日如彼梓材弗勤丹漆雖勞朴斲終負素質養由矯矢
獸號於林蒲盧縈繳神感飛禽末伎之妙動物應心研精
耽道安有幽深安心恬蕩棲志浮雲體之以質彪之以文
如彼南畝力耒旣勤蔗蓰致功必有豐殷水積成淵載瀾
載清土積成山歆蒸鬱冥山不讓塵川不辭盈勉爾含宏

以隆德聲高以下基洪由纖起川廣自源成人在始累微
以著乃物之理纏牽之長實累千里復禮終朝天下歸仁
若金受礪若泥在鈞進德修業暉光日新隰朋仰慕余亦
何人

荅何劭

吏道何其迫窘然坐自拘纓綬爲徽纒文憲焉可愉恬曠
苦不足煩促每有餘良朋貽新詩示我以遊娛穆如灑清
風煥若春華敷自昔同寮案於今比園廬衰夕近殆辱庶
幾並懸輿散髮重陰下抱杖臨清渠屬耳聽鶯鳴流目翫
鯈魚從容養餘日取樂於桑榆

洪鈞陶萬類大塊稟羣生明闇信異姿靜躁亦殊形自余
及有識志不在功名虛恬竊所好文學少所經忝荷旣過
任白日已西傾道長苦志短責重困才輕周任有遺規其
言明且清負乘爲我戒夕惕坐自驚是用感嘉貺寫心出
中誠發篇雖溫麗無乃違其情

附何劭贈張華詩

四時更代謝懸象迭卷舒暮春忽復來和風與節俱俯臨
清泉涌仰觀嘉木敷周旋我陋圃西瞻廣武廬旣貴不忘
險處有能存無鎮俗在簡約樹塞焉足慕在昔同班司今
者並園墟私願偕黃髮逍遙綜琴書舉爵茂林下攜手共

國朝文獻志 卷八
躊躇奚用遣形骸忘筌在得魚

雜詩

晷度隨天運四時互相承東壁正昏中固陰寒節升繁霜
降當夕悲風中夜興朱火青無光蘭膏坐自凝重衾無暖
氣挾纊如懷冰伏枕終遙昔寤言莫予應永思慮崇替慨
然獨撫膺

情詩

清風動帷簾晨月燭幽房佳人處遐遠蘭室無容光襟懷
擁靈景輕衾覆空牀居歡惜夜促在戚怨宵長拊枕獨嘯
歎感慨心內傷

遊目四野外逍遙獨延佇蘭蕙緣清渠繁華蔭綠渚佳人
不在茲取此欲誰與巢居知風寒穴處識陰雨不曾遠別
離安知慕儔侶

離情

秋月照簾櫳懸光入丹墀佳人撫鳴琴清夜守空帷蘭逕
少行迹玉臺生網絲庭樹發紅彩閨草含碧滋延伫整綾
綺萬里贈所思願垂湛露惠信我皎日期 已上俱文選

題尊經閣

有序

楊維聰

邑人

邑庠尊經閣故仁王僧閣也學佛者居之後有石塔趙
子昂所書正德初太康劉公湜來宰是邑逐僧毀塔改

爲尊經閣人多稱之然釋因異端猶有知以禪律爲事者吾儒爲聖人之徒若但役志科目而不知從事於身心之學則五穀不熟不如萑稗矣請爲諸英俊勉之
阿閣三重書百篇青衿白首此鑽研兩河檻外清兼濁阡陌宮前斷復連北闕晴雲常五色西山瑞靄亘千年歸儒逃墨思曩迹入室升堂俟後賢

旌翟相門張節婦

張夢蟾

壽州人

乾坤正氣重綱常幾見頽風幾慨傷不有端揆匡國是何緣貞節啓家祥慶雲芳播光青史棹楔榮看撰玉章聖世淳龐徵閫範士林宰肯負忠良

金臺市駿

秦士奇

邑人

離離臺畔草如烟感慨當年思惘然白骨俠傳猶郭隗黃
金價重憶昭燕驂騑已遂邊塵暗苜蓿空隨戰血芊一望
臺高雙眼淚縈維空負主恩偏

玉井龍飛

一隙藏天歲幾更飛龍長護隱空明天漿深瑣寒泉冽玉
乳淵澄湛露清風送轆轤未改邑雲從雷雨結孤城碧闌
瑤螭傳千載勿幕功收帝賴宏

雙湖印月

夾鏡連空碧宇清湖光雙瑣廣寒擎洞開地肺冰輪滿高

映天心玉鏡瑩星斗垂光屬蔓草雲霞倒影入浮萍長安
萬里風烟靖直接銀河一帶明

奎閣連虹

危構何年倚碧空乾坤登眺幾人同浮生軒冕孤飛外平
地波濤一笑中霄漢常懸紅日近家山遠望白雲叢茫茫
俯仰情何恨直北天高恨未窮

玉帶環流

連天一水漾初秋如帶孤城萬里流新溜潌洞飛野馬晴
光澹蕩點沙鷗濤翻掛壁兼天湧浪捲浮雲映雪收散髮
乘槎何日去心隨水際共悠悠

醴泉清冷

遙傳神漢自方城何物甘同玉液清瑞比珠泉疑玉瀉靈
藏地鼎自天烹九淵不貯千年餌一歌何能萬病輕安得
此泉天下飲清醒一世解狂醒

清浦曉霞

波啣曉日動光華蕩漾浮金罍絳紗雲破瞳瞳開海曙氣
翻浩浩逗明霞蛟龍畏影潛風浪螯螯乘濤燦爪牙縱目
渺然滄海外恍疑流水泛桃花

桑乾古渡

秋泛洪流接大荒西風野水聽鳴榔粘天草色連芳渡落

日溪聲帶夕陽短棹浮雲憑沙漠虛舟飄雨付滄浪風波
滿眼鄉關異欲向漁郎問釣航

壁水活泉

掩映宮牆潁水春停泓之處淨無垠驚看泉眼三光現信
是源頭一脉新有本資深若混混無窮長濬自津津叮嚀
寄語觀瀾者莫逐沿流問水濱

雀臺晴眺

西風落日暗荒臺有客行吟弔古來夜月孤村哀戰伐
山遺跡感蒿萊悲思猛士蹟如土搖落逐臣恨未灰王氣
霸圖俱莫問登高作賦愧無才

金臺市駿

侯奉職

邑人

每從弔古想凌烟極目高臺欲輾然價重席珍誇郭隗情
深折節羨昭燕捷蹄不共風霜沒駿骨嘗隨草木芊幾度
揮毫題勝事停盃夜坐燭花偏

玉井飛龍

盈盈一窟起鼉更水國遙分星日明琇砌層苔侵漢碧雕
欄倒影入波清紋成龍綵搖光氣浪捲淵泉動錦城伫俟
一聲平地起翻飛何處不恢宏

雙湖印月

停泓雨貯碧瀾清湖底誰將皓魄擎雙映銀河蟾影闊平

分夜景玉波瑩東西一色搖芳樹上下三輪漾錦英漫道
廣寒霄漢裏臨流酌得月華明

奎閣連虹

巍巍一閣映瑤空幾度登臨迥不同手挽雲霞瞻望裏身
依霄漢笑談中窗開紫氣祥烟渺路接青虹瑞色叢閒說
蟾宮多勝地此迴管取把源窮

玉帶環流

梧桐一葉報新秋素派涓涓帶晚流白練依迴穿翠柳晴
波蕩漾點沙鷗晚霞落照烟光集曉日籠葱曙色收自是
村郊饒秀麗白雲芳草共悠悠

醴泉清冷

何年地脈湧孤城
冽冽寒光映碧清
派接仙源松可煮
靈涵法水石堪烹
濯來天上星河現
飲去人間痼疾輕
每向醉餘乘興過
偶沾一勺解狂醒

清浦曉霞

曙色瞳瞳燦日華
河濱映曉絳如紗
檣帆朝涉垂紅影
鷗鷺晨飛帶紫霞
每見遊人催鼓角
時瞻光怪弄鬚牙
臨流一望歡無極
欲咏新詩愧筆花

桑乾古渡

野渡灘頭隴畔荒
雙雙舟子共鳴榔
蒼烟落漠連青草
衰

國朝志 卷八
柳婁迷帶夕陽未覩田翁服耒耜每聞漁父唱滄浪滔滔
不盡東流急今古同遊一釣航

璧水活泉

芹藻池邊渙蚤春開來靈竅接天垠一泓學海盈堪放半
壁文江散得新歎逝不妨徐問水觀瀾須要蚤知津宮牆
自此通雲漢育得魚龍跳泗濱

雀臺晴眺

孤村雨霽厰高臺有客登臨弔古來翠色籠葱依碧落晴
光掩映近蓬萊騷人百斗情何極壯志千秋志未灰試問
當年誰肯構幾回清夢思奇才

集杜紀事八首

秦士奇 再見

戎馬交馳際

贈別鄭鍊

風塵病敢辭

寄杜位

客居愧遷次

入宅跡有

但羈栖

春日梓州登樓

牢落乾坤大

寄弟

山河戰角悲

遣興

血埋諸將

甲

王命

雖在命如絲

得舍弟消息

國破山河在

春望

酣歌汨欲垂

雲安九日

濟時敢愛死

歲暮

報主爾

何遲

有感

四鎮富精銳

觀安西兵過

他鄉亦鼓輦

出郊

兵戈猶在眼

獨酌

秋色有餘悽

泛溪

時危思報主

江上

無力正乾坤

宿江邊閣

久客應吾道

舍弟歸草堂

移

官豈至尊

移華州掾

自傷遲暮眼

寓目

招得幾時魂

得舍弟消息

戰伐

何由定

題灋西草堂

啼垂舊血痕

得舍弟消息